



Isalathiso: 20181011-7306
Inombolo yefayili: 3/3/1/1/1/IIYURE EZISEMTHETHWENI ZOKUSEBENZA
Imibuzo: I Carolus

Isetyhula: 0038/2018

Umhla wokuphelelwa: Awukho

Iya: KumaSekela Balawuli-Jikelele, kuBalawuli abaziiNtloko, kuBalawuli, kwiiNgcali zeMfundo eziziiNtloko, kumaSekela-Balawuli, nakwiMibutho yeeManyano zaBasebenzi eyaziwayo

Isishwankathelo esifutshane: *Iiyure zomsebenzi zamaxesha awahlukileyo kubasebenzi benkonzo karhulumente abasezi-ofisini abasebenza iiyure zomsebenzi eziqhelekileyo.*

Isihloko: Ukuvunywa kweeyure zomsebenzi zamaxesha awahlukileyo afakelwe izilungiso kubasebenzi benkonzo karhulumente abasezi-ofisini abasebenza iiyure zomsebenzi eziqhelekileyo

1. Kuthathelwa ingqalelo iimfuno zokwenziwa kweenkonzo zeSebe leMfundo leNtshona Koloni (ISebe iWCED), kwakunye neemfuno zabahlali abenzelwa iinkonzo, ndinovuyo ukunazisa ukuba iSebe iWCED lifakele izilungiso kumgaqo-nkqubo weeyure zomsebenzi ezahlukileyo (*staggered hours policy*). Oku kuthetha ukuba umqeshwa angathethana nesuphavayiza yakhe ngeeyure zomsebenzi lo gama eyigqiba iveki yomsebenzi yeeyure eziyi-40. Oku kuhlaziywa kwalo mgaqo-nkqubo kubangelwe kukwanda kwengxinano ngethuba lokungena nokuphuma kwiNgingqi yeSixeko saseKapa (*Cape Town city bowl*) ngethuba leeyure zikaxakeka ezindleleni (*peak traffic hours*) nayimeko embi yezithuthi zikawonke-wonke, ngakumbi iinkonzo zikaMetrorail. Oku kuya kubavumela bonke abaqeshwa ukuba bangene yaye baphume ngokulula esixekweni.
2. Umgaqo-nkqubo ubonelela ngokuba abaqeshwa abasezi-ofisini beSebe iWCED abasebenza ngeeyure zomsebenzi eziqhelekileyo okanye ezamaxesha ahlukileyo, bavunyelwe ukuba benze izilungiso kudidi lwamaxesha abalukhethayo ngoku ukuqalela ngowe-01 Novemba 2018 ngokungqinelana nale migqaliselo nemimiselo ilandelayo:
 - 2.1 Ixesha lokuqalisa emsebenzini malingabikho phambi ko-06:30 yaye elokutshayisa lingabikho semva ko-16:30.

- 2.2 Ixesha lokuba semsebenzini (*core time*) limiselwe ukususela ku-08:00 de kube ngu-15:30 (iiyure ezisixhenxe nemizuzu eyi-30). Ngeli xesha lokuba semsebenzini, lingabandakanywanga ixesha lekhefu lelantshi, bonke abaqeshwa mababesemsebenzini.
 - 2.3 Ikhefu lelantshi lemizuzu eyi-30 ukususela ku-12:30 ukuya ku-13:00/13:30, ngokuxhomekeke kwitotali yeeyure ezisibhozo (engabandakanywanga amakhefu elantshi) eeyure ezisetyenzwa yonke imihla.
 - 2.4 Iiyure zomsebenzi eziqhelekileyo zeSebe iWCED zisahleli zingq-07:30 ukuya ku-16:00 lize ixesha lelantshi lisusele ku-12:30 ukuya ku-13:00. Nakuphi na ukwahluka kulo mgaqo, kuya kufuneka abasebenzi benze amalungiselelo ngokuzalisa le fom iqhotyoshelweyo (isiHlomelo A).
 - 2.5 Igunya lokuvuma izicelo zokwahluka kwiiyure zomsebenzi eziqhelekileyo zabasebenzi ngabanye, lidluliselwe kuBalawuli bamacandelo awahluka-hlukeneyo kwiSebe iWCED yaye izigqibo zimele ukususelwa kwiimfuno zokwenziwa komsebenzi ezihamba kunye nomsebenzi neyunithi/necandelo elichaphazelekayo.
 - 2.6 Amaxesha omsebenzi ekuvunyelenwe ngawo aya kuhlala esebenza kude kufumaneka imvume yokuwatshintsha emva kwexesha eliziinyanga ezintandathu ubuncinane.
 - 2.7 Iya kuhlala ingatshintshanga imigqaliselo emalunga nokuhlululwa kwe-ovathayim. Oku kuthetha ukuba ixesha le-ovathayim legosa liya kuqala ngoko nangoko emva kokuba kugqitywe inkonzo yeeyure ezisibhozo eyenziwe ngosuku lweveki.
 - 2.8 Iikopi zeefom apho kuvunyiweyo ukwahluka kwiiyure zesiqhelo, mazingeniswe kuMlawuli oyiNtloko weCandelo loLawulo lweMicimbi yaBasebenzi, iCandelwana lakwaNdlunkulu ukulungiselela iinjongo zeerekhodi.
 - 2.9 Abaqeshwa mabaqinisekise ukuba bayawaswayipha amakhadi abo okungena nokuphuma (*access cards*) xe bengena kwisakhiwo ukuya kuqalisa umsebenzi naxa bephuma ngexesha lokutshayisa.
 - 2.10 Abasebenzi mababe bahleli kwiidesika zabo ngamaxesha abawakhethileyo.
3. Bayacelwa abasebenzi ukuba baqinisekise ukuba bazilandela mbo iiyure zomsebenzi ezivunyiweyo. Ukufakelwa kwezilungiso kulo mgaqo-nkqubo kusalingwa yaye kuya kuphindwa kujongiswe emva kweenyanga ezilishumi elinambini.

ISAYINWE: NGU-BK SCHREUDER

INTLOKO YESEBE LEMFUNDO

UMHLA: 2018-10-23

WESTERN CAPE EDUCATION DEPARTMENT

I, _____ Persal No. _____
hereby apply for approval to work the following office hours, with effect from
..... on the conditions provided for in the relevant circular. My
total working time will be 8 hours per day excluding lunch break.

Please tick the appropriate box with an “X”

From 06:30 to 15:00

From 07:00 to 15:30

From 07:30 to 16:00

From 08:00 to 16:30

From _____ to _____ (observing core time) with an extended lunch
time of 60 minutes. Lunch time to be taken from _____ to _____ .

The motivation for my request is as follows:

I realise that staggered office hours is a privilege that may be changed or withdrawn at any time. I further undertake to comply with the times that I have indicated on this form.

SIGNATURE:.....

DATE:.....

REQUEST APPROVED / NOT APPROVED

SMS MEMBER:.....

DATE:.....